

Қала әкімінің Кубогын қостанайлықтар еншіледі

16 желтоқсан Тәуелсіздіктің төл мерекесіне орай Арқалық қазақ жасөспірімдер театрында Арқалық қаласы әкімінің Кубогы үшін кезекті жайдарман ойыны болып өтті.

Жайдарман ойыны – қазіргі таңда жастар арасында өзіндік орнын тауып үлгерді. Елімізде жайдарман ойынының басты мақсаты: жастарды ұйымшылдыққа, бірлікке шақыру болып табылады. Ойын қаламызда алғаш рет облыстық деңгейде Арқалық қаласы әкімдігі, Ішкі саясат бөлімінің тапсырысымен, «Іскер-жастар» қоғамдық бірлестігінің ұйымдастыруымен өткізілді. Аталмыш ойынға Қостанай, Рудный, Арқалық қалалары мен Торғай өңірлерінен барлығы 10 команда қатысты. Атап айтсақ: «Торғай облысы», «Парламент», «SportFak», «Бес саусақ», «Құрдастар», «Ұландар», «Сарыарқа», «Депутат», «Сөз жетпес» және «Ақи-

қз» командалары. Ойынға төрелік етуші, әділ қазылар қатарында: Арқалық қаласы әкімдігі Ішкі саясат бөлімінің бастығы М. Айтмағамбетова, Арқалық қаласы әкімдігінің мәдениет және тілдерді дамыту бөлімінің бас маманы А. Сейтжанқызы, Арқалық қаласы әкімінің көмекшісі Т. Ғабдрахманов, қосымша білім беру орталығының директоры З. Латыпова, «Арқалық хабары» газетінің бас редакторы Қ. Есмағанбетов болды.

Ойын қызықты да тартымды өтті. Зал көрермендерге лық толы болып, ине шаппырлық жер болмады. «Айтпаса сөздің атасы әледі» – демекші, ойын барысында «әттеген-ай» дейтін тұстар да табылды. Кейбір командалардың дайындықтары төмен болғаны тайға таңба басқандай анық байқалды. Нақтырақ айтқанда, сахна мәдениеті мен әртістік шеберлік жағы ақсап тұрды. Сонымен қатар, көрермендер тарапынан сұрақ қойылып жатқан сәтте, жастар сахнада тұрып, суретке түсіп, қойылған сұрақтардың көбісін жауапсыз қалды-



рып, немқұрайлық танытты. Аталған келеңсіздіктерді келесі ұйымдастырушылар тарапы ескерсе деген тілек бар.

Жайдарман ойының нәтижесінде Рудный қаласының «Бес саусақ» командасы 3 орынға, Арқалық қаласының тек қыздардан құралған «Ақиқз» командасы 2 орынға, Қостанай қаласынан келген «Сөз жетпес» командасы 1

орынға ие болды. Көптен күткен Арқалық қаласы әкімінің Кубогын, Қостанай қаласының «Құрдастар» командасы жеңіп алды. Ойын барысында өзінің тапқырлығымен, әртістік шеберлігімен ерекше көзге түскен Жәнібек Жалғасов «Ең үздік жайдарманшы» атты Алтын хатпен марапатталды.

Асылайым БЕКМҰРАТ

